

武

備

志

武備志卷一百五十三

防風茅元儀輯

占度載

占六

占月二

月之變

兩月見其國亂必至於亡國、一曰大臣誅主大水、
兩月相合主弑君、

兩月交闔陰氣交剝、女后欺主將相謀叛、一曰外

藩有謀

雙月出、或兩三俱出、其處兵起、割據爭雄、

月初生、三月同象重見、天下大兵、魚鳥食人、

四月並見、人民流血萬里、五谷大貴、一日、兵起國亡、

數月重見、陰道混亂、天下兵爭分、一字、一日、國以亂亡、

月晝明、陰氣妄行、讒邪欺蔽、兵起爭國、一日、有隱謀、國雄逃、一日、陰國兵強、中國饑饉、天下謀僭、

月生八日而上弦、天下大安、十日而不弦、戰不勝、將死、八日而不弦、攻人城者不勝、月九日而弦、以戰、主人勝、客不勝、

月未當弦而弦、兵起、一日、月未當上弦而弦、兵大起、月未下弦而弦、其國有奸謀、

月當弦而不弦、國有大兵、

月未當望而望、是謂促兵、宜攻他人、一日爲急兵、大戰、軍破將死、一日、國大昌、月當望而不望者、有殃、所宿國地亡、

月當圓不圓，奸臣謀害；一日暗謀國事。

月望而不滿，有兵；一日其分失地。

定望之夜，月缺不圓，一面凸凹三兩處者，近臣謀奪君權。

月當盈不盈，君侵臣；大旱之災，未當盈而盈，臣欺君；有兵。

月生三日至七日而盈，大兵起；八日以後盈，天下亂；十一日至十四日盈，其分君亡；月當晦而不盡，所宿國亡地。

月合明不明，驕臣作亂，王國大危。

月當出而不出，有陰謀，有死主，天下亂。

月前望而西缺，後望而東缺，名曰反月，臣不奉法，
倭奪主勢，天下有湧水，兵起。

月當毀而不毀者，臣凌君，亦有兵水之難。

月合缺而圓，邊烽息警，一曰國有忠臣，褶服外國，
月合盡不盡，陰盛陽衰，一月內夷狄入境，一曰所
宿國亡。

月不盡八日，陽國失地。

月當中而不中有急兵大戰軍破將死大臣逼君
女主擅權天下大亂宗廟易十二十三日昏中下
謀上事成

月毀爲三四天下紛亂一日將相伐主

月分爲兩無道之君失天下

月分爲兩段將相有謀

太平時月破爲三者四海兵起

月生三日而始見三日不見至七日而始見國滅
月始生而復沒者陰氣衰微天下兵起將相災憂

月出復退天下大亂

月初生而廣大者水災

月初生而已半女主強一曰陰國利

月初生見東方天下兵起

月始生南向其月有戰則南方勝一曰陰國亡地

一曰南國有兵

月入八日北向陰國亡地

月生正偃有兵兵合無兵主人凶一曰無兵則兵
出一曰有水初生正仰亦然

月失行外國兵強中國饑天下謀僭

月行乍南乍北陰氣雜亂天下兵起

月行或進或退陰氣偏滯女主擅權將相專政

月出非其所小國兵強中國民饑下欲僭權

月出地中庶人出爲天下主

月大而體小者旱

月生齒天子有賊臣羣下自相殘害

月生刺賊臣生中國亦曰其宿國君防刺客若有兵在外則將防之八日生刺其地割有分民九日

生刺其地饑民以食乏以兵行十二日生刺其下
國昏亂十三日生刺是謂始強得地十五日生刺
是謂盛強其下多兵十六日生刺是謂內弱臣叛
其主十七日生刺是謂滅法有兵十八日生刺是
謂溫死二十一日生刺千里有聚兵二十四日生
刺中有大謀二十五日生刺是謂陰隱國有殃二
十六日生刺多憂二十七日生刺大饑二十八日
生刺攻城二十九日生刺是謂自伐其國有內亂
也

月四圍生芒刺，君昏政亂，天下兵起，將勝封侯。一曰：憂在公侯，其地弱。一曰：有兵在外，宜保營壘，防衝襲。

月生芒，軍在外者敗，向東東軍敗，向西西軍敗，南北同。

月垂芒，其國亂。

月生爪，所指之方兵起作亂。一曰：其下君憂諸侯謀叛。

月生赤足，謀叛生災。

月生足陪臣執命、王公望風謀反羣下並附諸
歸心、

月生四日而生兩角、刺如矛狀、其國有弑逆事、

月在東方有小月承大月、小國毀大國、在西方小
月承大月、小國勝、大月承小月、大國勝、

月中有如人行者、兩主爭、客勝、

月中有神龍玉兔者、洪水滔天、人民饑散、千里荒
涼、國亂連年不止、

月望而月中蟾兔不見者、所宿大水、城陷民流、

出軍夜視月中有兔主勝無兔客勝

月之色

月變色將殃臣憂一曰其國有殃赤兵憂

月赤如赭將死于野勿戰

月滿而赤色爲兵爲旱

月色赤暗陽冒其陰將相災

月色黑爲水爲疫疾爲死喪

月黃色分野將軍遷職兩軍相當而月生黃色土人受殃月二十八日色黃客受殃

月初生而白，是謂大殃，其國有喪而旱，十日至十四而天下兵起，女主凶。

月色青爲憂爲饑，

月色青黃賊來相傷，

月色正白將士有獲，月色沕沕賊來擊拂，月色曄曄四邊雲起，我兵雖勝行行且止，月色蒼蒼行兵受殃，月黃色賊來乘隙，軍營毀拆，半夜驚赫，月色蒼黃霧色瀼瀼，撐骨遍野，流血成塘，

月始生而青色，其分有疫，五穀貴，色赤其分君憂。

色黃其分有立王色白其分亡地色黑其分有水
月兩弦中間光盛而衆多或二或三以至十月天
子政在諸侯天下分裂

月光如張燈火其下國立王

月無光臣作亂其下國有死主兵起戰不勝其下
多死亡

正月月無光兵起人多死

二月月無光國有災異事

三月月無光國有死災

五月月無光，有火災旱。

八月月無光，兵起。

十二月月無光，五穀大貴。

月出三丈，或未沒三丈許，大赤無光，曰病。平時主風雨，不雨，臣災，兵敗將凶。

戰時，月滿色無光者，客勝。

月大無光，其城不降；月小無光，其城降。

月色無光如灰粉者，拔城。

凡大月八日昏中，小月七日昏中，過度有兵不及。

度有喪

月三日四日而昏中天下有兵急有臣專恣五日而昏中兵起在外戰六日昏中兵起不戰凡行軍而遇月薄宜收軍不爾有謀反

月之氣

白虹貫月大兵起大戰將死

白氣貫月將無功大兵將起野戰一曰在春主災在夏大水在秋爲風

月角有白氣者主臣謀國事也

白雲刺月其下君亡、

白雲如杵抵月、陰冒陽也將相有災、一口期六十日應、

月内有白雲如刀字、奸邪謀反、

紫氣貫月上下遍有、女主昌、不利社稷、

赤氣貫月在夏爲旱、在秋爲民不安、

赤雲刺月是謂賊讐、

月下赤雲氣賊人即來、明日午未時將軍大敗、雲脚流下、明日大凶、

青雲刺月，是謂賊害。

蒼雲抵月，陰犯其陰，奸邪謀逆，譖毀起兵，黑雲刺月，陰雨踰時。

月下忽見黑雲，征戰必勝，不宜退兵。

月旁多赤雲，如人頭，大戰，一曰破軍殺將，多白爲兵勝，多黑爲兵敗。

月旁有赤雲，黑雲相交，臨月，其國有亡軍。

月旁有白雲一，黑雲二，蒼雲三，其大如厚布，抵月貫月，圍城拔邑。

有黃雲黑雲如刃向上交叉在月上者，大凶不可
攻戰。

月下有雲如刃向下交叉者，大凶，白雲戰勝，赤
雲流血。

月下有白雲黑氣者，主驚陣，人血流成河，過三日
後方可出戰。

青黑氣臨月，陰氣純結，兵敗將亡，國凶災。

月有五色氣者，必戰。

月五色氣相冲者，將有災，須犒賞三軍，堅壁固守。

月下、有橫雲、雲下一星、名曰賊星、慎防之、無橫雲、宜戰、

月外、有雲五段夾月、將凶、明日卯時見賊、便殺、午未時敗、後吉、

半月仰如玦、有雲銜月、賊勝、一曰後可進軍、

月不明朗、下有雲氣兩斷、隨雲分出不交者、攻戰並不利、

月下、有雲氣脚流左者、賊人奔走、謹慎防備、半吉、半凶、

月下、有雲氣如錦屏、又相去咫尺間、一段雲橫列於下、若戴之者、大戰大勝、紅雲有災、

月外有雲氣四出如披髮狀、大凶、急移營吉、

月下、有雲如刀劍三五比列、刃上向抵月者、有伏兵在路、急宜準備、刃向下者、驚陣殺人、不過三日大戰、

月下、有雲從月畔來奔陣上、用兵大吉、

月四邊有雲大轉者、不可興兵、此城難攻、

月中有氣出、從其所向攻之勝、

月下，有氣如人相隨者，是謂惡氣。其分王侯當之。月有神龜倚月，主大水。

月邊氣如羣豬羽，姓將軍行兵大吉。宮商角徵，姓皆不利。

月始出，有雲居其中，似禽獸狀。甲乙日見，東方受其害。丙丁日見，南方受其害。戊己日見，中央受其害。庚辛日見，西方受其害。壬癸日見，北方受其害。月之星。

凡月食五星，其國皆亡。歲以饑，災惑以亂，填以殺。

太白強國以戰辰以女亂星入月而星見於月是謂星食月月奄星而星滅不見是謂月食星又曰月體自若而星居月上此爲星食月月遇之而星隱不見此爲月食星月星相食當有易主事一曰主殺戮將相王侯之象其分野有兵喪列宿居月中不見其國饑以所屬分野占之星入月中有大兵有亡國有破軍殺將月中有星天下盜起星多者盜多又曰星在月中賊中有反奸人入不出三日賊大起

列星貫月，陰國可伐。

月犯列宿，其國受兵。

月犯列星，其下有兵。

月犯五星，將有災眚。

衆星攢月，陰陽不和，國多火災，陰謀于上。

月食歲星，兵饑，人相食。

月吞歲星，兵敗國亡。

月犯歲星，有反兵，多盜賊。

月乘歲星，大將戰，其野有拔城。

歲星食月、國易主

歲星入月、天下大災、有野兵、囚徒爲亂、不出二卒、月凌歲星、側多盜賊、

月食熒惑、國敗君亡、大兵起、破軍殺將、一曰、其地國亡、

月與熒惑同光、有反臣、有內亂、其分饑、

月與熒惑合、有內兵、內亂、三年不解、

月犯熒惑、戰勝之國、大將死、一曰、國內亂、有兵、月吞熒惑、國亂兵起、

熒惑入月以戰不勝宮中有盜賊亂臣在側兵起
熒惑貫月陰國亂亡

熒惑觸月上角相憂中央主憂下角將憂
熒惑食月兵敗國亡後宮有逆謀讒臣用
月食填星民流千里

月犯填星有大兵災先舉兵者敗

填星入月中臣謀弑逆

填星入月中不見大戰亡國內亂起
月食太白強國以戰亡

太白有光名太白食月臣叛主期三年

太白食月軍出主將死一曰易大將

太位居月中無光名月食太白強國君死

太白入月中兵起將死不出九年國以兵亡又曰
必有內惡戰不勝

太白入月中而不見出客將死出則主將亡

太白貫月大戰亡地不出六年

月扶太白將相不親

月犯太白以戰不勝國多寇盜一曰天下民靡散

一曰相去五寸天下憂兵

月與太白相遇者月出其南陽國受兵月出其北陰國受兵

太白出月右陰國有謀出月左陽國有謀月與太白皆出城守者賣城宜更其守吉太白與月並明主大戰相去五寸有城拔二寸憂兵

月戴太白有卒兵期五日

入月三日太白失行而居月北兵戰不勝

秋冬入月三日太白出西方居月北方者強

南者弱

入月三日刺太白陽大邑拔陰小邑驅掠出南方
爲陽北方爲陰

月未盡三日候太白出東方在月北中國不勝負
海國分勝

月未盡三日候太白出東方與月相並舉指準之
間容一指入月三日有破軍死將主人不勝容二
指入月九日軍政欺主人亡地容三指入月十五

日有破軍主亡地容四指入月二十日客軍大敗
容五指二十五日有兵不戰並出則占不並出則
不

月旁有彗星出弑逆大變

彗星入月中兵大起有十二年大饑

彗星入月無光不出其年有亡國

彗星貫月有臣謀主一曰彗星在月中兵大起

彗星在月上有大兵起將死四夷來侵

二彗星在初月上下者邦亂

二彗星在初月兩角大臣有奸謀

月下有三彗星商姓行兵大吉

月四旁有四彗星臣子作奸君失位

太陰犯水爲兵起而上卿亡水入月中有水刑而臣叛主水辰食于月大水洪流月食于辰國亡

金貫月國有大兵金入月大人爲亂將軍死月戴金星國有憔悴之軍旅太白蝕月有篡弑之禍心月食土其國之亡也

月與火星相及其宿國兵將起犯之則貴人出而

有兵嚙之，則其師破而敗北。月食火，則其地亂而白衣會憂在宮中，非賊乃盜者，火順行而入焉。流星墜日月旁，其國先喪，後兵起。

月行四辰之中，天下和平，風樂安寧，何也？四辰旁中中必有遂途，其北道之北三尺，曰太陽，外三尺曰太陰。月行其中有兵，其南道曰小陽，三尺月行其中有兵起。十月行旁去之大遠，多暴獄。

月食辰星，其國憂水饑，兵未起而月食之，所當國戰不勝。

辰星犯月、與月相並、國有逆謀、兵以刑起、
月犯辰星、兵大起、

辰星入月、大水戰敗、國亡、一曰、中臣欲叛、
辰星貫月、國以女亂、

月與辰星合宿、其國亡地、

辰星入月中不見、其國君臣俱死於難、

辰星入月復出、其國分野主死、入而出、其國君臣
憂、

月掩犯角左星上、將憂、主大旱兵饑、

月掩犯角右星、次將憂、主大水、兵饑、辰分有災、
月掩犯亢、將軍死、主兵、主疫、

月掩犯氐前二星、后災、掩犯後二星、主將軍有災、
答、

月掩犯房下第一星、上將失權、災憂、下第二星、次
將災、又主兵饑、馬貴、馬疫、

月掩犯心中星、王者惡之、前星、太子憂、後星、庶子
災、主兵喪、逆行掩犯災甚、

月掩犯尾、燕有災、後宮災、北胡不安、

月掩犯箕主燕胡兵敗、又主大將死、主大風拔木傷人

月掩犯南斗、王者惡之、吳分兵起、將相災、關梁不通、有大赦、

月掩犯牛、關梁不通、主兵、主越分災、

月掩犯女、揚州分野失、賤妾通內亂、主天下靡散不定、

月掩犯虛、火兵起於草寇、齊分災、

月掩犯危、主兵喪、

月掩犯室、主并衛大梁之分兵災、主軍糧乏、歲饑
兵變、

月掩犯壁、衛并兵災、

月掩犯奎、將軍死、禁兵亂、并州分野災、

月掩犯婁、主徐魯之分兵饑災、主兵起獄中、主饑
月掩犯胃、主災饑徐魯之分、又主冀州趙分兵災、
月掩犯昴、西胡不安、久爲獄亂、爲旄頭起、

月掩犯畢、趙分災、邊兵動、

月掩犯觜、兵亂、魏分災、

月掩犯參、兵起、將軍使魏益分兵災、

月掩犯井、王者惡之、大臣誅、主大水、秦雍災、

月掩犯鬼、主兵起、積屍、金帛馬貴、秦蜀災、

月掩犯柳、主周分兵饑災、

月掩犯星、兵起、中國惡之、主大火、

月掩犯張、荆楚災、主兵、主火、主水、

月掩犯翼、主狄夷災、兵起、三河荆楚之分災、

月掩犯軫、主長沙之分兵災、王者出奔、王惡之、主、

大風傷人物、主死喪憂、

月掩犯太歲人君死爲兵太歲在月天下有兵有災

月掩犯熒惑貴人死有亂臣熒惑入月有亂臣死有相戮者女親爲政天下大亂憂在宮中非盜則賊

月掩犯歲星爲饑大臣災有逐相人君惡之歲入月有逐相歲犯襲入月大臣惡之主有兵饑主廢陰長

月掩犯辰胡人災主兵起大水災

月掩犯鎮星、女主憂爲饑、爲謀廢、在上公與陰
王者惡之、鎮犯襲月同占、餘外太陰掩犯入、皆以
列星所主言其休咎分野、

月入太微、王者惡之、女人爲主、

月入天市、天下兵起、物貴、分土以治、大臣與女主
奪土、王者惡之、

月入紫微、天子失位、臣變家爲國、微庶爲后、
月度衆星、陰氣駁禱、將相縱兵、與夷交通、

諸星食月、天下兵起、將相災、

月內有一星、攻戰大勝、兵家吉兆、

月內一星光明者、奸人入壘、

半月上角有星見者、敵有賢將、

月角有星、城內有人入我營門戶、更宜嚴備捉捉、

月下有一星、角姓人行軍勝、防外兵來劫營、

月上弦有一星、徵姓人行軍勝、

星在月上角、賊來有攻城、宜慎之一日、主邊將謀

叛、

月上左角外一星、名看星、慎守營壘、

月下左角外有一星，開門宜防。

月背有一星，敵走城潰。

一星在月邊下角者，賊內有人來須備之。

一星在月背者，敵人欲至，不能成戰。

月旁忽有一星，奸臣謀主，天下大亂。

一星在月上，城內人出劫寨，若下寨了，有鬼神見中，是復戰也。

一星在月下，城內有智士三人。

一星在月背，城中反。

月角上左右有一星者主外國侵界之事

初月一星在左角相臣爲奸

初月一星在右角將臣爲奸一曰月右角有星奸臣在西宮中左角有星奸臣在東宮中月上有星奸臣在南宮中月下有星奸臣在後宮中

初月一星在虧處天下十死一生

若久攻城不下見一星在月內有賊人串破五日內拔之

月初生而其環中有一星角姓人行軍勝在營防

內兵叛亂

月左半背有一星、宮姓人行軍勝、三日內賊軍來詐降、宜堅守、

月圓而雙星搏之、色明潤者國昌、

月下有二星橫列者、商姓人行軍勝、

月兩邊二星夾月、主賊來衝軍散、不可進兵、急宜設備、

月角各一星有軍在外者敗、

二星在月上下者、行軍有功、

初月二星在兩角天下大賊起

月下有二亦星入月者官姓人將行兵吉

月上有三星人主播遷兵亂不寧

月下有三星客兵大勝主兵慎守免災一曰合損

上將急移營吉

月背有三星如連珠其城自破

若三星環抱月背則不可攻一曰出軍多死盡

三星在月中散亂不出三日軍死盡

軍圍敵壘月下三星橫列者城內許降宜備之則

吉

軍行有三星橫列月上，不利進戰，宜固守之，以防潰亂。

月下三星橫列，名賊星，十二十三十五日逢戰，凶順風者勝。

月外三角有三星夾月，鼎足而峙，大戰大勝。

月邊有三星在北角，城內有人欲走。

月內近下唇一星，外有二星在月下者，軍中有人私通間諜，慎宜防備。

月下有三星橫列、左邊半暈、二十日內賊大敗、
月角有三星、其城難攻、

月上有三星、軍行無利、攻城不得、

初月背有三星、奸人路逢相劫、

月旁有三星、攻城得功、更反、

月旁有三星豎列、月上有雲氣如蓋、半暈者攻戰
不吉、宜回營防守、無星而月上半暈凶、月下暈吉、
半月仰如玦、上有三星、凶列如撮提而下覆者、城
內有奸人、三月後必亂、

月下有三星入月者，徵姓人行兵大吉。

月外四角有四星明，如拱立前後夾持者，主將宜慎遇戰，即敗固守無虞。

半月斜明，四角四星略暗者，軍大勝。

四星圍月，國內清晏。

初月下有四星，后與外人謀君。

五星在月下，婦人登位。

初月六星在於上下者，有惡事宜避之。四十九日應。

月行有星圍繞之多至數十其分有大喪水災、
月下星衆多攢列如綴珠者兩日內賊至宜防
備、

月西旁有星環之其國昌、

黑星在月上角臣叛逆在月下士卒亂星多則大
亂、

月下赤星入月者攻城破之近則八日遠則十
日應、

攻城之際月左有星占上角者城可攻、

敵人守壘，我軍攻之，月下，有星相近，防有客兵。
曰：敵有奸謀。

我圍敵壘，月背有星，其城當潰。

月中有流星落，又鳥獸雲在月中見者，主大亂，固
守城池則吉，國有憂。

月無光，內有流星，國君勢危，兵戈亂動。

月內有流星，當有貴人奔出，若客星入，則將有驚，
月下，有赤星流入我營者，急出軍，若不出，人盡死，
流入城中，攻城必破也。

月下有赤星向東北方，姓人將行兵，大吉。

大星流入月中，無光者有兵，有光亡國。

星出月陰，負海國勝；出月下，光相接，其國君死，人

饑。

月未落，中星入其月中，西方賊人爲賊敗也；月入井中，其月小而雨，天下大兵起。

武備志卷一百五十四

防風茅元儀輯

占度載

占七

占星一

茅子曰星家之言繁哉未可悉也然亦可得而言
三垣二十八宿其定列也五星之合散犯守陵歷
闔食彗孛飛流乃其變也歲焚填白辰又五星之
變也非常之形積殃而發乃其妖也吾首列蓋天

渾天之圖、次列垣宿之圖、而以其歌古附焉、垣宿之星、有占切於兵者、則著之、次以變、次以妖、而亦以其占切於兵者著之、又次以星野、星野已分見於度、而復合而次之者、便占也、詳而簡、庶幾近之矣、

蓋天圖

渾天圖

三垣圖歌占


二十八宿圖歌占


星變

星妖


星野

蓋天圖







渾天北極圖



渾天南極圖



天施
九游
海井
大人



經星有微有著，凡萬有一千五百二十，疏曰：前漢誌云：凡天文在圖籍，昭昭可知者，經星常宿中外官凡百一十八名，積數七百八十星，皆有州國官宮物類之象。張衡靈憲曰：星也者，體生于地，精成於天，列居錯峙，各有道屬。中外之官常明者百有二十四，可名者三十二，爲星二千五百，而海人之占未屬焉。微官之數，蓋萬有一千五百二十，庶物靈蠢，皆得係命。晉誌云：武帝時，太史令陳卓總甘石巫咸三家所著星圖，大凡二百八十四官，一

千四百六十四星以爲定紀蓋靈憲所謂常明可
名之星也唐誌云使者大相元言交州望極纔高
二十餘度八月海中望老人星下列星燦然明大
者甚衆古所未識乃渾天家以爲常沒地中者也
大率去南二十度以上之星則見蓋靈憲所謂海
人之占未存者也微星不可勝窮故舉而當諸萬
物之數曰萬有一千五百二十者也

紫微垣歌

中元北極紫薇宮，北極五星在其中。大帝之座第二珠，第三宮中庶子居。第一號曰爲太子，四爲后宮五天樞。左右四星是四輔，天乙太乙當門路。左樞右杓夾南門，兩面營衛一十五。上宰少尉兩相對，少宰上輔次少輔。上衛少衛次上丞，後門東邊大贊府。門東喚作上少丞，以次却向門前數。陰德門裡兩烏聚，尚書以次其位五。女史柱史各一戶，御女四星五天柱。大理兩黃陽德邊，勾陳尾指北

極顛勾陳六星六甲前，天皇獨在勾陳裡，五帝內座後門是華蓋，并扛十六星，扛作柄象華蓋形，蓋上連連九箇星，名曰傳舍如連丁，垣外左右各六珠，右是內階，左天廚，階前八星明，八穀廚下五箇天棓宿，天床六星在右樞，內廚兩星右樞對，文星斗上半月形，稀疎分明六箇星，文昌之下日三師，太尊只向三公明，天牢只向太尊邊，太陰之守四勢前，一箇宰相太陰側，更有三公相西邊，卽是玄戈一星圓，天理四星斗裡暗，輔是近星著開淡，北

斗之星七宿明第一主帝名樞精第二第三璇
是第四名權第五衡開陽搖光六七搖光光左二
天搶紅

中宮紫微垣北極五星其末曰紐星爲天之樞所
謂北辰最尊者也古者三公列象隨天西轉而紐
星不移易故曰居其所而衆星拱之第一星主月
太子也第二星主日帝王也亦爲太乙之座最赤
明者也第三星主星庶子也第四星爲后宮第五
星爲天樞北極五星明大則吉變動則憂中星不

明主不用事前星不明太子憂左星不明庶子憂
北極星芒則中國無主天下亂北極星皆不明而
大星獨居天下易姓人相食客星出北極傍帝王
暴驚宗室亂一曰女主謀彗孛出極臣謀君天下
亂黃氣入極太子卽位

勾陳六星亦爲護軍將軍之象也明則吉暗則人
君惡之

五帝內座五星黑黼辰之象明正則吉變動則凶
隋志云客星犯帝座臣犯主

尚書五星黑、大臣之象、小而明則吉、明大芒角、臣強逼君、暗則臣失職、

陰德二星、黃主周給賑恤行德惠、其二星分爲二、一曰陰德、一曰陽德、此星不欲大明、不欲無明、苦大明則新君踐極也、

天床六星、黑、天子寢息燕休之所也、星明正則吉、傾側則人主不安、

天乙一星、黑、司戰鬪、知人吉凶、欲小明而有光、則陰陽和萬物成、大明則水旱不調、

太乙一星，赤，知風雨，水旱，兵饑，疾疫，明而有光，則吉，暗則凶，赤氣出人，天下大旱，黑氣大雨，彗孛干犯，兵喪，水旱俱起。

傳舍九星，黑，賓客之館也，爲驛亭，移入垣間，則胡人來入中國。

內階六星，黑，天地升降之階也，明正則吉，傾動則國憂。

八穀八星，一主稻，二主黍，三主大麥，四主小麥，五主大豆，六主小豆，七主粟，八主麻，以候歲之豐儉。

其星明則八穀皆成暗則凶不熟

文昌六星赤如半月形一曰上將大將軍建威武
二曰次將尚書正左右三曰貴相太常理文緒四
曰司祿司中司隸賞功進德五曰司命司怪太史
主滅咎六曰司寇大理佐理實其星明大齊同則
王者致太平其色黃潤光明則萬民安青黑微細
天下多憂動搖移徙大臣憂金火入守兵興

三公三星赤大明黃潤吉色赤有兵蒼白黑皆有
喪又曰三公一星亡天下危二星亡天下亂三星

亡天下易主、

相一星、赤明、大天子明、忠臣用、星亡、輔相死、否則
出走、

太陽守一星、赤、主戒不虞、設武備也、明則人主威
服四方、不明則主令不行、移徙、大臣誅、動搖或不
見兵起、

天棓五星、赤、天子之前驅、所以禦難、備非常也、微
明而靜則吉、明大動、搖兵起、不明亦爲兵象、一星
不具、則兵起、

北斗七星、赤七政之樞機、陰陽之本源也、運乎中
天而別制四方、建四時、均五行、定紀綱、爲號令之
主、一至四爲魁、曰璇璣、五至七爲杓、曰玉衡、第一
星曰樞、爲正星主、陽德、天子之象、又爲天主、日主
秦第二星曰璇、爲法星主、陰刑、女主之象、又爲地
主、月主、楚第三星曰璣、爲法令主、禍害、又爲人主
火主、梁第四星曰權、爲伐星主、伐無道、又爲時主
水主、吳第五星曰玉衡、爲殺星、又爲文昌、爲音主
中央、助四方、殺有罪主、土主、趙第六星曰開陽、爲


危星爲律、主天倉五穀、主木、主燕、第七星曰搖光、
爲部星、亦曰應星、爲呂、主兵、主金、主齊、其星均明、
則國昌、不明則有殃、王者德合天地、則北斗齊明、
國祚昌、七星俱暗、則國祚亡、北斗自暈及動搖、皆
爲兵起、斗傍小星多、則天下安、星少、則民怨、上國
人離散、

輔一星、附於開陽、所以佐斗成功也、丞相之象、欲
小而明、則吉、大而明、則臣僨君政、小而不明、則臣
不任職、大明與斗同、則國兵暴起、暗而遠斗、則大

臣宰相死

天槍三星、赤在北斗柄東、天之武備、所以禦難也、
玄戈一星、赤在招搖北、與天槍相近居北斗端、
北夷天戈也、微而小明則天下安明、大則胡人恣
橫、芒角大而動則四夷兵起、暗則胡人退、小動則
胡兵小起、大動則胡兵大起、玄戈色赤、北方有兵、
太尊一星、黃在中台之北、貴戚也、巫咸曰、聖公之
象也、居常則吉、不見則凶、金犯守貴戚敗、
宮垣直而明天子將兵、開則兵起、

太 微 垣 圖



太薇垣歌

上元天庭太薇宮、昭昭列象在蒼穹、端門只是門
之中、左右執法門西東、門左皂衣一謁者、以次卽
是烏三公、三黑九卿公、背傍五黑諸候卿、後行四
箇門西主、軒屏五帝內、座居中正、幸臣太子并從
官、烏列帝後從東定、卽將虎賁居左右、常陳卽位
居其後、常陳七星不相誤、卽位陳東一十五兩面
宮垣十星布、左右執法是其數、宮外明堂布政官、
三箇靈臺候雲雨、少微四星西南隅、長垣雙雙微

西居北門西外接三台與垣相對無兵災

太微垣十星赤在翼北天子之南宮五帝之座十

二諸候之府也又爲天庭理法平辭監深授德列

宿受符諸神考節舒情稽疑東西兩列各五星南

垣中二星間曰端門東一星曰左執法廷尉之象

也門西一星曰右執法御史大夫之象也二執法

之西右掖門也東藩四星南第二星曰上相其北

東太陽門也第二星曰次相其北東中華門也第

三星曰次將其北東太陰門也第四星曰上將所

謂四輔也。西藩四星，第一星曰上將，其北西太陽門也。第二星曰次將，其北西中華門也。第三星曰次相，其北西太陰門也。第四星曰上相，亦四輔也。東西藩有芒及動搖者，諸侯凌人子也。執法移則刑罰尤急。日月五星入太微軌道吉。

五帝座五星，赤中星爲黃帝座。天子動得天度，止得地意，從容中道，則太微五帝之座明以光。黃帝座不明，人主當求賢以輔，不然則奪勢張衡云：五帝同明而光澤，則天子有道，天下歸心。小弱青黑，

天子國亡動搖移徙則天子失位

內屏四星赤三執法明潤則君臣有禮不明則法律舛謬五星中犯乘守下謀上一曰大臣有戮者太子一星黑在帝座北帝儲也其星明潤則儲君有德金火守犯不有廢黜必有篡逆

謁者一星黑主贊賓客辨疑惑明則四夷來賓不見則外國不服移近內屏宜防姦客

郎將一星赤北武衛之官也主閱武備星明大芒角將怒不可當變色或移徙不見則將有憂

常陳七星，赤天子宿衛，武虎賁之士星明，則武備修，暗則兵弱。


虎賁一星，黑騎官也，變色或動搖，則兵車大動。明堂三星，黑天子布政之宮，明則王道行，暗則反是。

長垣四星，黃主邊界城邑及胡夷疆域，其星動搖變色，則邊臣不安。

三台六星，赤，一曰天柱，一曰天階，三公之位也。上台起文昌，下台抵太微，上台爲司命，主壽，中台爲

司中、主宗室、下台爲司祿、主兵、又曰、三台爲天階、又爲泰階、太乙攝以上、下、上階、上星爲天子、下星爲女后、中階、上星爲諸侯、下星爲卿大夫、下階、上星爲庶人、所以和陰陽而理萬物也、

天市垣圖



天市垣歌

下元一宮名天市，兩扇垣牆二十二。當門六個黑
市樓，門左兩星是車肆。兩個宗正四宗人，宗星一
雙亦依次。帛度兩星屠肆前，候星還在帝座邊。帝
座一星常光明，四個微芒宦者星。以次兩星名列
四，斗斛帝前居其次。斗是五星斛是四，垣北九個
貫索星。索口橫者七公成，天紀恰是七公形。數着
分明多兩星，紀北三星名女床。此座還依織女傍，
三光之象無相侵。二十八宿羅其陰，水火木金并

與土以次別有五行吟

天市垣二十二星在房心東北西抵於氐東入於斗國市也衆民交易之所東南一星曰宋次曰南海燕東海徐吳越齊中山九河趙末曰魏西垣南第一星曰韓次曰楚梁巴蜀秦周鄭晉河間末曰河中色俱赤也主權衡主聚衆一曰天旗庭主斬戮之事也市中星衆潤澤則歲實星稀則歲虛熒惑守之戮不忠之臣彗星出爲徙市易都帝座一星赤帝王之座帝座有五一座在紫微宮

一座在太微宮、一座在太角、一座在心中、一座在天市垣、其星光明潤澤、則天子威德行微、小凶、大人當之、巫咸曰、帝座一星、神農所居、不見則大臣當其咎、

市樓六星、黑主市賈交易律度治令、其星欲忽忽不明、大明則賦歛重、大暗則市吏不理、不具則兵作於市、

候一星、赤主伺陰陽、輔弼臣也、居常則吉、移則主不安、星亡則主失位、

宗正二星，赤司宗室之官也。明大則帝宗強，失免則宗正有事，移徙則宗人憂，客星守動則天子親屬有變。

宗人四星，赤帝宗之象也。明大方正則族人有序，動搖則宗族不和，有變離移則族人離。

宗星二星，赤，宗室之象也。星明而相近則宗族相親，宗枝有序，暗則宗室衰弱，客星守之宗人不和，斗五星赤，主平量，星明則吉，不明則五穀不登，覆則歲熟，仰則大饑，星亡則歲饑，斗斛不用。

斛四星、黑主、度量分殊之數、一曰天斛、占與斗同、
列肆二星、黃主、寶玉之貨、移徙則列肆不安、五星
守之、市肆兵起、

七公七星、黑主、執法、別善惡之官也、三公之象、七
星皆明、則輔相用、星齊正、則國法平、差戾、則獄多
怨、細微不明、則疑議不決、連貫索、則天下亂、人河
中、則米貴、人相食、